

ՊԱՐՍԻՑ ԱՐՇԱԿՈՒՆԻ ՀԱՐՍՏՈՒԹՅԱՆ ՀԻՄՆԱԴՐՄԱՆ ՏԱՐԵԹԻՎՆ ԸՍՏ ԽՈՐԵՆԱՑՈՒ

Լ. Փ. ՇԱՀԻՆՅԱՆ

Խորենացու վկայություններով պարսից Արշակունի հարստության հիմնադրման թվականի որոշման հարցը նրա «Հայոց պատմության» երկրորդ ու երրորդ գրքերի ժամանակագրական համակարգի ելակետային հարցն է, ունի սկզբունքային կարևոր նշանակություն և նրանով է մասամբ պայմանավորված այդ համակարգի ճիշտ վերականգնումը: Ուստի, սխալված չենք լինի, եթե սկսենք մեր խոսքը նախորդ ուսումնասիրություններում բազմիցս քննարկված Խորենացու համապատասխան վկայություններից: Այսպես, «Հայոց պատմության» երկրորդ գրքի առաջին գլխում կարգում ենք.

«Յետ տիրելոյն ամենայն տիեզերաց Աղեքսանդրի Մակեդոնացոյ, որդւոյ Փիլիպպեայ և Ոլոմպիոզայ, որ էր քսան և չորրորդ յԱթիղդայ, բազմաց տալով զտէրութիւնն կտակաւ, զի ամենեցուն իշխանութիւն՝ Մակեդոնացոցն անուանեսցի՝ ինքն մեռանի: Զկնի որոյ թագաւորեաց Բաբելոնի Սելեկիոս, զյուզից կորզելով զիշխանութիւն. ուստի և զՊարթևս հնազանդեաց մեծաւ պատերազմաւ, և կոչեցաւ Նիկանովր այնորիկ աղագաւ: Սորա տիրեալ ամս երեսուն և մի թողու զթագաւորութիւնն որդւոյ իւրում Անտիոքայ, անուանեցելոյն Սատէր, ամս յնն և տասն: Զսա յաջորդէ Անտիոքոս, ասացեալն Թեոս, ամս տասն. և ի մետասաներորդին ապստամբեն Պարթևք ի ծառայութենէ Մակեդոնացոցն: Ուստի և թագաւորեաց Արշակ Քաջ...»¹:

Նույն գրքի երկրորդ գլխում, այս վկայությունը ավելի որոշակի դարձնելու նպատակով, Խորենացին անմիջապես շարունակում է.

«Ուրպէս ասացալ՝ յետ վարսուն ամի մահուանն Աղեհսանդրի՝ թագաւորէ ի վերայ Պարթևաց Արշակ Քաջ ի քաղաքին, որ կոչի Բահդ Առաւօտին, յերկիրն Քուշանաց»²:

Խորենացին ընդամենը այս երկու տեղեկությունն է հաղորդում, որոնք երկուսն էլ 60-ամյա միջանկյալ ժամանակաշրջան են արձանագրում: Ինչպես տեսնում ենք, 60 տարի է թե՛ Սելեկոս Նիկատորի 1-ին տարվանից մինչև Անտիոքոս Թեոսի 11-րդ տարին (Սելեկոս Նիկատոր 31 + Անտիոքոս Սոտեր 19 + Անտիոքոս Թեոսի 10-ը), թե՛ Աղեքսանդր Մակեդոնացու մահվանից մինչև Արշակունիների անկախացումը: Երևում է միաժամանակ, որ այս համարյա հավասարազոր վկայություններից հիմնական և կողմնորոշող վկայությունը երկրորդն է, ուր Խորենացին ուշադրություն է հրավիրում Ալ. Մակեդոնացու մահվան թվականի վրա: Այստեղից էլ պետք է ենթադրել, որ երկու դեպքում էլ Խորենացու համար ելակետային տարեթիվ է հանդիսացել Աղեքսանդր Մակեդոնացու մահվան թվականը՝ 323 թ. (մ. թ. ա.), հետևաբար նրա երկու վկայու-

¹ Խորենացի, Պատմութիւն հայոց, Տփղիս, 1913, էջ 102:

² Նույն տեղում, էջ 102—103:

թյուններն էլ Արշակունիների անկախացման տարեթիվ են մատնանշում 263 թ. (մ. թ. ա.)³:

Ձնայած այսքան պարզ վկայություններին, նախորդ ուսումնասիրողներից բնիկներն են միայն այսպես հասկացել հորենացուն: Այստեղ նկատի ունենք Գարազյանին և Գր. հալաթյանին, որոնք հարևանցիորեն ակնարկել են լոկ, որ հորենացին Արշակունիների համար սկզբնատարի է ընդունել 263 թ. (մ. թ. ա.): Ըստ որում, Գարազյանի ու հալաթյանի այս ենթադրությունն էլ ոչ միայն ժամանակին համախոհներ չի գտել, այլև ենթարկվել է Հակոբ Տաշյանի խիստ քննադատության, անգամ հեղանքին⁴ և դատապարտվել է մոռացության:

Այս հարցով զբաղվող մնացած գրեթե բոլոր ուսումնասիրողները աշխատել են հորենացու վկայություններն այլ ձևով մեկնաբանել և հիմնականում նրան առաջնորդել են Եվսեբիոս Կեսարացու հետքերով: Պատճառն Անտիոքոս Թևոսի 11-րդ տարվա որոշման հարցն էր, որը զանազան աղբյուրներով և հատկապես Եվսեբիոս Կեսարացու ժամանակագրությամբ մատնանշվում էր 250 թ. (մ. թ. ա.):

Այսպես, Եվսեբիոսը իր հանրահայտ «Ժամանակագրության» երկրորդ մասում Արշակունիների անկախացման մասին գրում է.

«Պարթևք ի Մակեդոնացւոց ապստամբեցին. և ի նոցանէ թագաւորեաց Արշակ, ուստի և Արշակունիք»: Եվսեբիոսի այս վկայությունը նրա ժամանակագրական աղյուսակում հիշատակված է՝ Հռոմի հիմնադրման Ծ(500)-ից ԾԺ(510)-ի տասնամյակում, Արրահամի ծննդից ԽԶԿԶ(1766) տարի անց, ԸԼԲ(132-րդ) օլիմպիադի 3-րդ, Պտղոմեոս Ֆիլադելֆոսի թագավորության ԼԴ(34-րդ), Մակեդոնական գահակալ Անտիոքոս Գոնատասի ԻԹ(29-րդ) և Սելևկյան գահակալ Անտիոքոս Թևոսի ԺԱ(11-րդ) տարիներին⁵: Ինչպես երևում է, Արշակունիների անկախացման սկզբնատարին Եվսեբիոսը կապել է պատմական զանազան դեպքերի ու դեմքերի հետ, որոնք բոլորն էլ՝ թե՛ 132-րդ օլիմպիադի 3-րդ տարին, թե՛ Պտղոմեոս Ֆիլադելֆոսի թագավորության 34-րդը, թե՛ Անտիոքոս Թևոսի 11-րդը և թե՛ մյուսները մատնանշում են միևնույն 250 թ. (մ. թ. ա.):

250 թ. իբրև Անտիոքոս Թևոսի թագավորության 11-րդ տարի, հետևաբար իբրև Արշակունիների անկախացման տարեթիվ, կարելի է ենթադրել նաև Եվսեբիոսի հետևյալ ժամանակագրական տեղեկություններից:

Ա. Եվսեբիոսի օլիմպիական հաշվումներով Անտիոքոս Թևոսի թագավորության սկիզբը գրված⁶ է 129-րդ օլիմպիադի 4-րդ տարում⁶, որը լինելու է 260 թվականը (մ. թ. ա.), ուստի պարզ է, որ նույն արքայի 11-րդ տարին կլինի 250-ր (մ. թ. ա.):

Բ. Եվսեբիոսը 4 անգամ հիշատակում է Սելևկյան առաջին երեք գահակալների թագավորության այսպիսի տարեթանականներ՝ Սելևկոս Նիկատոր 32, Ան-

³ Հորենացու, Ասողիկի, նաև հորենացուն հետևող մյուս հեղինակների վկայություններով 263 թ. (մ. թ. ա.)՝ իբրև Արշակունիների անկախացման տարեթիվ, ընդունելու ենք պայմանականորեն, քանի որ նրանք, հատկապես հորենացին ու Ասողիկը, նկատի են ունեցել 262 թ. (մ. թ. ա.):

⁴ Տե՛ս «Հանդես ամսօրյա», Վիեննա, 1905, օգոստոս, հոկտեմբեր:

⁵ Եվսեբիոս Կեսարացի, Ժամանակագրություն, մասն Բ, Վենետիկ, 1818, էջ 232:

⁶ Նույն տեղում, մասն Ա, էջ 345:

տիրոջ Սոտեր 19, Անտիոքոս Թեոս 15⁷ և սրան զուգահեռ մի քանի անգամ վկայում, որ Սելևկոս Նիկատորը թագավորել է Ալեքսանդր Մակեդոնացու մահվանից 12 տարի հետո՝ կամ ուղղակի ցույց տալիս 311 թ. (մ. թ. ա.)⁸։ Կասկածից վեր է դարձյալ, որ այս տեղեկություններով էլ Անտիոքոս Թեոսի 11-րդ տարին 250 թ. է, քանի որ, ըստ Եվսեբիոսի, Սելևկոս Նիկատորի թագավորության առաջին տարվանից (311 թ. մ. թ. ա.) մինչև Անտիոքոս Թեոսի 11-րդ տարին կազմում է ուղիղ 61-ամյա ժամանակաշրջան⁹։

Հավատարմով Եվսեբիոսին և համոզված լինելով, որ հորենացին անպայման ընդօրինակել է նրան, ենթադրվել է, որ հորենացու մոտ նույնպես Անտիոքոս Թեոսի 11-րդ տարին պետք է համընկնի 250 թ. (մ. թ. ա.), որ հորենացին էլ, ինչպես Եվսեբիոսը և բազմաթիվ ուրիշ հեղինակներ, Սելևկոս Նիկատորի թագավորության սկիզբը պետք է ընդունած լինի ոչ թե Ալեքսանդր Մակեդոնացու մահվանից, այլ Սելևկյան տոմարի հաստատման տարեթիվից (311 թ. մ. թ. ա.)¹⁰։

Եթե հորենացուն հարկադրաբար թելադրված այս պահանջով մոտավորապես լուծվում էր նրա ու Եվսեբիոսի միջև նկատվող տարբերությունը և հորենացին հարմարեցվում էր Եվսեբիոսին, ապա ստեղծվում էր մի նոր ներքին հակասություն հորենացու հիշատակած երկու վկայությունների միջև, քանի որ այս մոտեցմամբ հորենացու մոտ մի ղեպքում ստացվում էր 263 թ. (մ. թ. ա.), իսկ մյուս ղեպքում՝ 250 կամ 251-ը (մ. թ. ա.)։

Հարկադրաբար ստեղծված այս հակասության լուծման փորձ կատարեց ֆրանսիացի հայագետ Սեն-Մարտենը, որի ենթադրությամբ հորենացու «Յետ վաթսուներե ամի մահուան Ալեքսանդրի» միտքը չպետք էր հասկանալ Ալեքսանդր Մակեդոնացու մահվանից անմիջապես հետո, այլ նրա մահվանից 12 տարի անց, այն է՝ 312 թ. (մ. թ. ա.)¹¹։ Սեն-Մարտենի այս առաջարկը ոչ միայն ընդունելի համարվեց և լուսլայն ընդունվում է առ այսօր, այլև եղան բանասերներ էլ, որոնք ընդունելով այն, աշխատեցին ավելի հիմնավորել։ Մկրտիչ էմինը Ասողիկի «Տիեզերական պատմության» 1864 թ. Մոսկվայի ուսերեն հրատարակության 8-րդ ծանոթությունում (էջ 235) առաջարկում էր հորենացու վկայության մեջ Ալեքսանդր անվան տակ հասկանալ ոչ թե հին աշխարհի հռչակավոր զորավար Ալեքսանդր Մակեդոնացուն, այլ նրա մանկահասակ որդի Ալեքսանդրին, որի մահը գրվում էր 311 թ. (մ. թ. ա.)։ Քերովբե Պատկանյանը, համակարծիք լինելով Սեն-Մարտենին և այլոց, միաժամանակ ենթադրում էր, որ հորենացին թերևս չի էլ ճանաչել Ալեքսանդր Մակեդոնացուն։ Իր «Նյութեր Հայկական բառարանի համար» ուսումնասիրության երկրորդ տետրի հավելվածում, ուր անդրադառնում է Արշա-

7 Նույն տեղում, մասն Ա, էջ 344—345, 357, մասն Բ, էջ 34—35, 226—232։

8 Նույն տեղում, մասն Ա, էջ 344—345, մասն Բ, էջ 34—35 և այլ տեղեր։

9 Եվսեբիոսը իր «Ժամանակագրության» I մասում (էջ 299) Արշակունիների անկախացումը գրել է նաև 133-րդ օլիմպիադին (248—244 թթ. մ. թ. ա.)։ Այս տեղեկությունը քննարկման հարց չի դառնալու, քանի որ հորենացու ժամանակագրությունը բացատրվել է 250 թ. (մ. թ. ա.)։

10 Ինչպես այս, այնպես էլ մնացած բոլոր ղեպքերում Սելևկյան տոմարի հիմնադրման տարեթիվ ենք ընդունելու 311-ը (մ. թ. ա.), նկատի ունենալով, որ հեղինակների մեծ մասը և հատկապես Եվս. Կեսարացին առաջնորդվել է այս թվականով։

11 Տե՛ս «История Армении М. Хоренского», Москва, 1858, прилож. 137, էջ 279; նաև՝ Ասողիկ, Պատմութիւն տիեզերական, Պետերբուրգ, 1880, ծանոթ. 39, էջ 313—314։

կունինների անկախացման վերաբերյալ հորենացու վկայություններին, առանց որևէ հիմքի գրում է. «Այս հատվածներից պարզ է, որ հորենացին առհասարակ նկատի չի ունեցել Ալեքսանդր Մեծի մահվան թվականը, հնարավոր է չի էլ իմացել նրան»¹²:

Այս ենթադրությունները, որոնց բուն նպատակը, ինչպես երևում է, հորենացուն բոլոր ամենայնի Եվսերիոսի հետ հաշտեցնելն էր, փաստական տվյալներով բոլորովին չհիմնավորված սոսկ կոահումներ էին: Համոզվելու համար անհրաժեշտ է վերադառնալ Սեն-Մարտենի ենթադրությանը և պարզել, հավանա՞կա է արդյոք, որ հորենացին զրեք «յետ վաթսուն ամի մահուանն Աղեքսանդրի» և այսքան բացահայտ վկայությամբ հասկանար ոչ թե Մակեդոնացու մահվանից անմիջապես հետո, այլ նկատի ունենար ինչ-որ 12 տարի էլ նոր, ապա 60 տարի: Մեր կարծիքով այս ենթադրությունը հեռու է հավանական լինելուց: Եթե հորենացին հիշյալ 60 տարվանից դատ նկատի ունենար ինչ-որ 12 տարի էլ, բոլորովին անհրաժեշտություն չկար, որ նա զիմեր այնպիսի հանելուկային հաշվի, ինչպիսին առաջարկվում է նրան այս ենթադրությամբ: Այլ, փոխարենը զրելու «յետ վաթսուն ամի մահուանն Աղեքսանդրի», պարզապես կզրեք «Յետ յենթանասուներկու ամի մահուանն Ալեքսանդրի», որն ավելի հասկանալի կդառնար, մի բան, որ հորենացու բուն նպատակն էր:

Մյուս կողմից, եթե հորենացին նկատի չունենար Ալեքսանդր Մակեդոնացու մահվան թվականը, այլ ցանկանար Արշակունիների անկախացման տարեթիվը բացատրել Ալեքսանդր Մակեդոնացու մահվանից 12 տարի հետո կատարված որևէ իրադարձությամբ, չէր հիշատակի Ալեքսանդր Մակեդոնացուն և ոչ էլ մեր ուշադրությունը կհրավիրեր նրա մահվան թվականի վրա: Առավել անհավանականը Մկրտիչ էմինի ենթադրությունն է: Իբրև այս ենթադրությունը հերքող ապացույց բավական է թեկուզ կրկին անգամ ուշադրություն բևեռել հորենացու համապատասխան վկայություններին և տեսնել, թե ո՞ր Ալեքսանդրին է վերաբերում նրա խոսքը:

«Յետ տիրելոյն ամենայն տիեզերաց Աղեքսանդրի Մակեդոնացոյ, որդւոյ Փիլիպպեայ և Ոլոմպիադայ, որ էր քսան և չորրորդ յԱքիդայ, բազմաց տալով զտէրութիւնն կտակաւ, զի ամենցուն իշխանութիւն՝ Մակեդոնացոցն անուանեսցր ընքն մեռանի»¹³: Այսքան պերճախոս վկայություններից հետո ոչ միայն անհավանական, այլև անհնար է նման ենթադրության հանդելու ինչպես տեսնում ենք, հորենացին իր հիշատակած Ալեքսանդրին այնպիսի տարբերանշող հատկանիշներ է վերադրել՝ տիեզերակալ, Փիլիպպոսի և Օլիմպիադայի որդի, 24-րդն Ալիլիսից, որքեք հնարավոր չի հեշտությամբ վերադրել ո՛չ Ալեքսանդրի մանկահասակ որդուն և ոչ էլ երբևէ զոյություն ունեցած որևէ Ալեքսանդրի: Ո՞ւմ չի հայտնի, որ Տիեզերակալը, Փիլիպոսի և Օլիմպիադայի որդին և Աքիլիսից 24-րդը հենց ինքը Ալեքսանդր Մակեդոնացին էր: Մի՞թե այնքան անտեղյակ էր հորենացին պատմական ղեկավարին ու ղեմքերին, որ Ալեքսանդրի մանկահասակ որդուն վերադրեր տիեզերակալի փառքը, կամ էլ նրան համարել Փիլիպոսի որդին ու 24-րդն Աքիլիսից: Ավելին, եթե հորենացին նկատի ունենար Ալեքսանդր Փոքրին, ինչպես ցանկացել է Մկրտիչ էմինը, ապա անհրաժեշտություն չկար փոխելու նրա հայրանունը և փոխարենը որդի Փիլիպոսի,

¹² К. Патканов, Материалы для армянского словаря, вып. II, СПб, 1884, էջ 51:

¹³ Խորենացի, Հայոց պատմություն, էջ 102:

կզրեր որդի Ալեքսանդրի: Էլ չենք խոսում այն մասին, որ հորենացին իր ժամանակագրական համակարգի մեկնարանման ապագա բախտը չէր կապելու մի այնպիսի անվան հետ, ինչպիսին էր Ալեքսանդր Մակեդոնացու որդին, որը ոչ մի զործով հայտնի չէր, բացի Մակեդոնացու որդին լինելուց:

Հավանականությունից հեռու է նաև Պատկանյանի ենթադրությունը: Չենք կամենում այս ենթադրությունը հերքող նոր ապացույցներ վկայակոչել, նկատի ունենալով, որ Սեն-Մարտենի և Մկրտիչ էմինի ենթադրությունների առթիվ ասվածները միաժամանակ բավարար ապացույց են ընդգևակ այս ենթադրության: Վերևում տեսանք, որ հորենացին: ոչ թե չի ճանաչել, այլ շատ լավ է ճանաչել Ալեքսանդր Մակեդոնացուն: Անտեսել հորենացու այդքան բացահայտ վկայությունները և դրանց առկայությամբ հանդերձ կասկածի ենթարկել նրա գիտելիքները, ոչ միայն անհավանական, այլև անարդար է:

Այստեղ մեր նպատակն Արշակունիների անկախացման վերաբերյալ հորենացու վկայությունների առթիվ եղած բոլոր ենթադրությունների քննարկումը չէ, մենք ցանկացանք անդրադառնալ նրանցից ակնառուներին, հատկապես Սեն-Մարտենի ենթադրությանը, որն ուղեցույց է ծառայել ուրիշ բազմաթիվ ուսումնասիրողների, և ցույց տալ, թե որքան կամայական է եղել հորենացու այդքան արժեքավոր և ելակետային վկայությունների մեկնարանումը: Ավելացնենք միայն, որ հիշյալ տեսակետը պաշտպանող գիտնականները անգամ չեն նկատել, որ հակասություն են ստեղծում իրենց ենթադրություններում: Ինչպես կարելի է մի կողմից հորենացուն եվսերիոսին գիտակ ու հետևող համարել: Իսկ մյուս կողմից էլ պնդել, թե նա շփոթել է Ալեքսանդր Մակեդոնացուն կամ լավ չի իմացել նրա մահվան թվականը: Չէ՞ որ եվսերիոսը, որի հետ այնքան ջերմեռանդությամբ կապվել է հորենացու «Հայոց պատմության» ժամանակագրական համակարգի բախտը, բազմիցս հիշատակել է Ալեքսանդր Մակեդոնացուն, չմոռանալով նաև նրա մահվան թվականը: Հակառակ այս տեսակետի, հորենացու վկայությունների ուշադիր քննությունից պարզ երևում է, որ նա ոչ միայն չի հետևել եվսերիոսին կամ այն հեղինակներին, որոնք Սելևկոս Նիկատորի 32-ամյա թագավորությունը հաշվել են 312 կամ 311 թ. (մ. թ. ա.), այլ որոշակիորեն տարբերվում է նրանցից:

Այս ենթադրությունը հաստատող ապացույց է հորենացու երկրորդ վկայության «որպէս ասացաք» միտքը: Ի՞նչը նկատի ունի հեղինակը «որպէս ասացաք»-ով, եթե ոչ իր առաջին վկայությունը, հատկապես ցանկանալով մատնանշել այն, որ իր մոտ Սելևկոս Նիկատորի իշխանության 1-ին տարին Ալեքսանդր Մակեդոնացու մահվան թվականն է, հետևաբար իր հիշատակած Սելևկյան դահակալների վաթսու տարին էլ պետք է հաշվել Մակեդոնացու մահվանից անմիջապես հետո: Բնարկե, այս բանը երևում է նաև հորենացու առաջին վկայությունից, սակայն համեմատաբար անորոշ, քան երկրորդ վկայության մեջ է: Եթե առաջին վկայության «զկնի որոյ (այն է՝ Ալեքսանդր Մակեդոնացու) թագաւորեաց Բարեւոյնի Սելևկոս» միտքը կարելի է հասկանալ ոչ միայն Մակեդոնացու մահվանից անմիջապես հետո, այլ ավելի ուշ, ասենք 311 կամ 312 թ. (մ. թ. ա.), ինչպես ենթադրվել է, ապա երկրորդ վկայությունը բացահայտ ցույց է տալիս, թե՛ երբվանի՞ց հաշվել Սելևկոս Նիկատորի 1-ին տարին և քանի՞ տարի հաշվել մինչև Արշակունիների անկախացումը: «Որպէս ասացաք՝ յետ վաթսու ամի մահուանն Աղեքսանդրի», — ահա հորենացու պատասխանը:

հորենացու «Որպէս ասացաք» միտքը ունի նաև մեկ այլ ուշագրավ նշանակություն: Եթե նա իր երկրորդ վկայությունը սկսեր այսպես՝ «Յետ վաթսուն ամի մահուանն Աղեքսանդրի», առանց «որպէս ասացաք»-ի, ապա թերևս հնարավոր լիներ երկրորդ վկայության Աղեքսանդրին համարել ոչ թե Մակեդոնացի տիեզերակալին, այլ նրա Աղեքսանդր որդուն, ինչպես փորձել են: Սակայն հորենացու երկրորդ վկայության Աղեքսանդրը, որը սոսկ Աղեքսանդր է առանց տարբերանշանների, «որպէս ասացաք»-ով այնպես է նույնացվում առաջին վկայության Աղեքսանդրին, որ նման ենթադրության համար որևէ հենարան չի ձևում: Եվ միայն այն փաստը, որ հորենացու ավանդած Սելևկյան առաջին զահակայնների թագավորության տարեթանակները նման են Եվսերիոսի տեղեկություններին, որ երկուսի մոտ էլ Արշակունիների անկախացման տարեթիվ է համարված Անտիոքոս Թեոսի 11-րդ տարին և 311 թ. (մ. թ. ա.) ընդունված է որպես Սելևկյան տոմարի ու Սելևկոս Նիկատորի թագավորության սկզբնատարի, ղեռնա չի կարող հիմք ծառայել, որ հորենացուն առաջնորդենք Եվսերիոս Կեսարացու հետքերով, որովհետև հորենացու երկրորդ վկայությունը հիմնադրված է առավել անկասկածելի տարեթվով և թույլ չի տալիս հորենացուն հեշտությամբ Եվսերիոսին հետևող համարել: Ավելին, մենք ղեռնա առիթ կունենանք համոզվելու, որ հորենացին բավարար փաստեր է ունեցել Սելևկոս Նիկատորի 32-ամյա թագավորությունը հաշվել ոչ թե 311, այլ 323 թ. (մ. թ. ա.):

Արշակունիների անկախացման տարեթվի հարցում Եվսերիոսից տարբերվելու ձգտումն առանձնահատուկ է ոչ միայն հորենացուն: Այն յուրահատուկ է նաև նրան հետևող հայ հետազոտ հեղինակներին: Այս բանը մի կողմից ապացույց է, որ հորենացուն նույնությամբ վերակրկնող հեղինակները գիտակցաբար են հետևել նրան, մյուս կողմից էլ հաստատում է, որ հորենացին 60-ամյա միջանկյալ ժամանակաշրջանը իրոք հաշվել է Աղեքսանդր Մակեդոնացու մահվան թվականից:

Եվսերիոսից այս հարցում տարբերություն գտնում ենք հատկապես Ասողիկի մոտ: Չնայած բազմաթիվ ընդօրինակություններին, որը չի ժխտում ինքը Ասողիկը, որ մասամբ էլ մատնանշված է նախորդ ուսումնասիրություններում (Ասողիկի «Տիեզերական պատմության» 1885 թ. հրատարակության Մալխասյանի, ինչպես նաև Մկրտիչ Հմինի 1864 թ. Մոսկվայի ռուսերեն հրատարակության ծանոթություններում), միաժամանակ նկատելի է, որ նա չի հետևել Եվսերիոսի ժամանակագրական որոշ տեղեկություններին, հատկապես Արշակունիների ժամանակագրությանը առնչվող տեղեկություններին և այս հարցում հարազատ է մնացել հորենացուն: Նկատի ունենալով, որ այս ենթադրությունը հաստատող որոշ փաստեր քննարկվելու են մյուս հարցերի կապակցությամբ, այստեղ անհրաժեշտ ենք համարում վկայակոչել միայն Սելևկյան առաջին երեք զահակայնների մասին Եվսերիոսի և Ասողիկի ավանդած տեղեկությունները, որոնց հետ, ինչպես տեսանք, անմիջապես կապված է Արշակունիների անկախացման տարեթվի անշափ կարևոր հարցը:

Այս առթիվ Եվսերիոսի մոտ կարգում ենք. «Իսկ Սելևկոս իբրև չոգալ ի մեջ բարբարոսաց և յաղթեաց, թագաւորէր. և անտի կոչէր Նիկանովր՝ որ է յաղթող. և ունէր զթագաւորութիւնն ամս ԼԲ(32) սկսեալ ի ճ-որդէ և յԵօթնու Երորդէ ոլոմսլիաղին առաջնոյ ամին, և ձգեալ սինչև ց ճ-որդ Ի-Երորդ չոր-

րորդն՝ ամին չորրորդի. և կեսայր ընդ ամեն ամս ՀԵ(15). և խաբ գործեալ նմա ի քարեկամէ Պաղոմէի՝ որ Կերաւնոս, մեռանէր.

Զսա պայազատէ սորին որդի Անտիոքոս յապամայ՝ որ յեալ ի Պարսկաստանէ. և կոչեցաւ Սոփտէր՝ որ է փրկիչ, Հաբիւրորդի Ի-Երորդի իննԵրորդի ողոմպիադին՝ յամին առաջնում վախճանեալ կեցեալ ընդ ամենայն ԿԴ(64) և տիրեալ ամս ԺԹ (19) ի Ճ-որդէ Ի-Երորդէ իննԵրորդէ ողոմպիադին առաջնոյ ամին՝ մինչև ցԳ-որդ Ի-Երորդ իննԵրորդ ողոմպիադին երրորդ ամին¹⁴:

Նոյն նորա որդիք ի Ստրատոնիկեայ դստերէն Դէմէտրի. արու Անտիոֆոս, և դստերք Ստրատոնիկ և Ապամ. յորոց զԱպամն տաբաւ արաբ կին. և զՍտրատոնիկն՝ Դէմէտրիոս Մակեդոնացոց թագաւոր: Ի վախճանել ճառելոյն Անտիոքայ Սոփտէրի, յաջորդէ զիշխանութիւնն Անտիոքոս, որոյ կոչեցաւ անուն յորհորջանաց Թեոս. սկսեալ ի Ճ-որդէ Ի-Երորդէ իննԵրորդէ ողոմպիադէն չորրորդի ամին, և ձգեալ ամս ԺԹ (19)¹⁵ խօթացաւ. և վախճանեալ յԵփեսոս Ճ-որդի Էրեսներորդի և Երորդի ողոմպիադին յերրորդ ամին¹⁶, կեցեալ ընդ ամենայն ամս հ(40)¹⁷:

Ստ. Տարոնացին (Ասողիկ) գրում է. «Իսկ Պարսք և Պարթևք և ամենայն Արևելեայք...¹⁸ ոչ կամէին մտանել ընդ ծառայութեամբ Մակեդոնացոց: Բայց Սելևկոս զօրօք բազմօք շոգաւ ի մէջ նոցա, ետ պատերազմունս և յաղթեաց. և անտի կոչէր Նիկանովր, որ է յաղթող՝ և թաղաւորէր ամս լա(31) և կեսայր ընդ ամենայն՝ ամս ՀԵ(75):

14 Ինչպես տեսնում ենք, Եփեսոսի այս հատվածում Անտիոքոս Սոտերի թագավորության վերջին տարվա համար կա երկու տեղեկություն: Մի դեպքում մատնանշված է 129-րդ օլիմպիադի 1-ին տարին, այն է՝ 263 թ. (մ.թ.ա.), մյուս դեպքում նույն օլիմպիադի 3-րդ տարին՝ 261 թ. (մ.թ.ա.): Եփեսոսի վկայություններով այս երկուսից ճիշտը վերջինն է: Այսպես՝ ա) ըստ Եփեսոսի, Սելևկոս Նիկատորը թագավորել է 32 տարի, սկսած 117-րդ օլիմպիադի 1-ին տարվանից (311 թ. մ.թ.ա.), մինչև 124-րդի 4-րդ տարին (280 թ. մ.թ.ա.): Ինչպես երեւում է, Սելևկոսի թագավորության տարեթիվը փոփոխված չեն, ուստի փոփոխված չի նաև նրա հաջորդ Անտիոքոս Սոտերի 1-ին տարին, որը զրկված է 125-րդի 1-ին տարում (279 թ. մ.թ.ա.): Եթե այդպես է և նա թագավորել է 19 տարի, որն, իրոք, Անտիոքոս Սոտերի թագավորության ստույգ տևողությունն է, հետևաբար վերջին տարին լինելու է 261 թ. (մ.թ.ա.) և ոչ 263-ը (մ.թ.ա.), այլ կերպ՝ 129-րդ օլիմպիադի երրորդ տարին և ոչ առաջինը: Բ) Մյուս կողմից, Անտիոքոս Սոտերին հաջորդել է Անտիոքոս Թեոսը 129-րդի 4-րդ տարում (260 թ. մ.թ.ա.): Դարձյալ ապացույց, որ Անտիոքոս Սոտերի վերջին տարին եղել է 129-րդի երրորդ տարին:

15 Անտիոքոս Թեոսի համար 19-ամյա թագավորությունը այստեղ հետադա փոփոխության արդյունք է: Պետք է լինի 15 տարի, որի մասին նույն աշխատությունում երեք անգամ վկայում է Եփեսոսը (տե՛ս մասն Ա, էջ 357, մասն Բ, էջ 35, 232): Նույն տարեթանակը, ինչպես կտեսնենք, հաստատում է Ասողիկը, վկայում են նաև ուրիշ հեղինակներ:

16 Անտիոքոս Թեոսի վերջին տարվա մասին այս տեղեկությունը պետք է լինի ոչ թե «Ճորդի երեսներորդի երրորդի ողոմպիադին յերրորդ ամին», որը կլինի 237 թ. (մ.թ.ա.), այլ «Ճորդի Լրեսներորդի երրորդի ողոմպիադին յերրորդ ամին» (245 թ. մ.թ.ա.): Նկատի ունենք հետևյալը՝ ա) Եփեսոսի հաջորդ վկայություններով նրա 1-ին տարին զրկեց 260 թ. և տրվեց 15-ամյա թագավորության ժամանակաշրջան, հետևաբար վերջին տարին կլինի 245 թ. (մ.թ.ա.), Բ) Անտիոքոս Թեոսի հաջորդ Սելևկոս Կալինիկոսը, համաձայն նույն հեղինակի (տե՛ս մասն Ա, էջ 346) թագավորել է «յերրորդ ամէ չորդի երեսներորդի երրորդի ողոմպիադին», որը դարձյալ 245 թ. է (մ.թ.ա.): Այս սխալի պատճառը ընդգծված «երրորդ» բառի կրկնակի օգտանալն է՝ «Երրորդ», որի հետևանքով փոխարեն հասկացվելու 133-րդ օլիմպիադի 3-րդ, հասկացվում է 135-րդի 3-րդ տարին:

17 Եվսեր. Կեսարացի. Ժամանակագրություն, մասն Ա, էջ 344—345:

18 Ասողիկի մոտ այստեղ թվարկված են Եփրատից արևելք ընկած երկրները:

կեդոնացու մահվան թվականին նախապատվություն տալը մեզ բերում է այն համոզման, որ Ասողիկի մոտ էլ, ինչպես հորենացու, Սելեկյան հարստության սկիզբը պետք է համարել 323 թ. (մ. թ. ա.), հետևաբար Անտիոքոս Թևոսի 11-րդ տարին էլ 263 թ. (մ. թ. ա.): Այլապես, անհնար է մտածելն անգամ, որ Եվսեբիոսի «Ժամանակագրության» և օլիմպիական հաշվումներին այնքան քաջատեղյակ մի հեղինակ, ինչպիսին էր Ասողիկը, չկարողանար որոշել, թե Անտիոքոս Թևոսի 11-րդ տարին Եվսեբիոսի մոտ 250 թ. է (մ. թ. ա.) և այսքան բացահայտ վկայությամբ կարիք չգար Արշակունիների անկախացումը ընդունել Ալեքսանդր Մակեդոնացու մահվանից 60 տարի հետո ու դրանով հակասություն ստեղծել իր վկայություններում: Այս մոտեցմամբ արդեն որոշակի է դառնում նաև Արշակունիների սկզբնատարվան վերաբերող Ասողիկի երրորդ տեղեկությունը: Բանն այն է, որ Ասողիկը վերոհիշյալ տեղեկություններից զատ ունի նաև այսպիսի վկայություն. «...Յերկրորդ ամին Փիլիպպեայ թագաւորին Հռոմայ... դադարէ թագաւորութիւնն Պարթևսց յազգէն Պահլաւկաց, սկսեալ յԼ (30) ամի րազաւորութեան Փիլադելփոս Պտղոմեոսի...»²¹:

Եթե նույնությամբ հետևելու լինենք Ասողիկի այս վկայության, Արշակունիների անկախացման տարեթիվ պետք է համարել 254, 253 կամ 252 թ. (մ. թ. ա.), քանի որ ըստ Եվսեբիոսի²² Պտղոմեոս Լագոսի առաջին տարվանից (323, 322 կամ 321 թ. մ. թ. ա.) մինչև նույն հարստության երկրորդ զահակալ Պտղոմեոս Ֆիլադելֆոսի 30-րդը կազմում է 69 տարի: Այսպես՝ Պտղոմեոս Լագոս 40²³ + Պտղոմեոս Ֆիլադելֆոսի 29-ը տարին = 69: Պարզ երևում է, որ Ասողիկն իր այս տեղեկությունով հակասում է ոչ միայն հորենացուն ու Եվսեբիոսին, այլև, որն առավել անսպասելին է, իր իսկ նախորդ վկայություններին: Ուստի, անկասկածելի է, որ Ասողիկի բնագրի վկայությունը ենթարկվել է փոփոխության: Սակայն կարևոր է, թե ի՞նչ տեղեկություն է եղել բնագրում: Այս հարցին պատասխանել է Մալխասյանը Ասողիկի «Տիեզերական պատմութեան» 1885 թ. Պետերբուրգի հրատարակության 39-րդ ծանոթությունում: Մալխասյանի ենթադրությամբ, նախապես եղել է ոչ թե Պտղոմեոս Ֆիլադելֆոսի թագավորության Լ (30)-րդ, այլ ԼԴ (34)-րդ տարում: Պարզ ասած, ըստ Մալխասյանի Ասողիկը իր տեղեկությունը քաղել է անմիջապես Եվսեբիոսից կամ էլ «...ի ձեռն Մ. հորենացույ, և զի Ասողիկ վասն սկզբանն Արշակունեաց շտայ թուական ինչ նոր յանձնէ»²⁴: Մալխասյանին այս ենթադրության առաջնորդողը դարձյալ միևնույն համընդհանուր ճանաչում գտած տեսակետն էր, որով հորենացին Արշակունիների սկզբնատարվա հարցում հետևող էր համարվում Եվսեբիոսին և հավասարության նշան էր գրվում նրանց վկայությունների միջև:

Սակայն այժմ, երբ մասամբ հայտնի է հորենացու և Ասողիկի վերաբերմունքը Եվսեբիոսի վկայությունների նկատմամբ, երբ Արշակունիների անկախացման առթիվ նրանց մատնանշած թվականը հնարավոր չի համատեղել Եվսեբիոսի հետ, բնական է, որ Ասողիկի այս տեղեկությունն էլ պետք է այլ ձևով մեկնաբանել:

²¹ Ա ս ող ի կ, էջ 31:

²² Ե վ ս ե բ. Կ ե ս ա ր ա ջ ի, Ժամանակագրութիւն, մասն Ա, էջ 191, 237, 251, մասն Բ, էջ 33, 224:

²³ նույն տեղում, մասն Ա, էջ 191, 237, 251, մասն Բ, էջ 33, 224, 228:

²⁴ Ա ս ող ի կ, էջ 314:

Ի տարբերություն Մալխասյանի ենթադրում ենք, որ Ասողիկի մոտ նախապես եղել է ոչ թե «Լ» (30) ամի, ինչպես ունենք արդի օրինակում, կամ՝ «Լ'» (34) ամի, ինչպես Եվսերիոսի մոտ էր, այլ՝ «Ի» (20) ամի թագաւորութեան փլաղելիփոսի Պտղոմեոսի:

Այս ենթադրությամբ արդեն Ասողիկի մոտ կունենանք Արշակունիների առկախացման միևնույն տարեթիվը մատնանշող երեք տեղեկություն՝

ա) Ալեքսանդր Մակեդոնացու մահվանից 60 տարի հետո (323—60=263 թ. մ. թ. ա.):

բ) Անտիոքոս Թևոսի 11-րդ տարին, դարձյալ 263 թ. (մ. թ. ա.)՝ [323—(Սելևկոս Նիկատոր 31+Անտիոքոս Սոտեր 19+Անտիոքոս Թևոսի 10-ր=60)]:

դ) Պտղոմեոս Ֆիլադելֆոսի 20-րդ՝ 264, 263 կամ 262 թ. (մ. թ. ա.)՝ [322, 322 կամ 321 (Պտղոմեոս Հագոս 40+Պտղոմեոս Ֆիլադելֆոսի 19-ր=59)]:

Մեր կարծիքով, Ասողիկի հրորդ տեղեկությունը նույնպես, որն այս տեսանկյունով համահնչուն է նրա նախորդ վկայություններին, գիտակցաբար հորենացու ժամանակագրությանը հետևելու արդյունք է: Այլապես անբացատրելի է մնում, թե ինչու Ասողիկը, այն էլ երկու անգամ, Արշակունիների անկախացումը պետք է ընդուներ Ալեքսանդր Մակեդոնացու մահվանից 60 տարի հետո և հանկարծ սրան զուգահեռ հիշատակեր Պտղոմեոս Ֆիլադելֆոսի 34-րդ տարին: Հնարավոր է արդյոք մտածել, որ Ասողիկը չի կռահել այս երկու վկայությունների միջև եղած հակասությունը՝ կամ նա էլ, ինչպես ասվել է հորենացու մասին, նկատի է ունեցել Ալեքսանդր Փոքրին: Այսպես մտածելն անգամ վեր է երևակայությունից: Եթե Ասողիկը Եվսերիոսի «Ժամանակագրություն»-ից բացի ուրիշ ոչինչ կարդացած չլիներ (իսկ Եվսերիոսին քաջատեղյակ լինելը անկասկածելի է և դժվար թե դրան գեթ մեկը առարկի), էլի բավական էր, որ նա հստակ պատկերացում ունենար թե՛ Ալեքսանդր Մակեդոնացու, թե՛ Պտղոմեոսյան զահակալների և թե՛ նրանց ժամանակագրության վերաբերյալ²⁵: Ասողիկի վերոհիշյալ վկայությունների վերաբերյալ մեր ենթադրությունները հաստատվում են նաև այն բանով, որ նրա մոտ էլ, ինչպես հորենացու մոտ, վաղարշալի թագավորության սկզբնատարի է համարված միևնույն թվականը: Այս հարցին մենք ղեռնա առի՞մ կունենանք անդրադառնալու:

Հորենացուց և Ասողիկից դատ Եվսերիոսից դանադանվում են նաև այն հեղինակները, որոնք Արշակունիների անկախացումը կապել են միայն Ալեքսանդր Մակեդոնացու մահվան թվականի հետ: Այստեղ անհրաժեշտ ենք համարում հիշատակել որոշակի վկայություններ թողած լուրջ հեղինակներին:

Թովմա Արծրունի. «...3ետ Կ(60) ամի անցանելոյ Աղէքսանդրի և անիշխանութեանն Հայոց և Պարսից՝ թագաւոր, Արշակ Քաջ...»²⁶:

Վարդան Բարձրաբերդցի. «Քաջն Արշակ, որ զկնի վաթսուն ամաց մահուանն Աղէքսանդրի ապաստամբեալ ի Մակեդոնացոյ՝ թագաւորեաց յերկիրն Քուշանաց...»²⁷:

25 Ասողիկի հրորդ վկայությունը նույնությամբ գտնում ենք Սեբեոսին վերագրված աշխատության 3-րդ գլխում: Սակայն նկատի ունենալով, որ այն ընդօրինակված է Ստ. Տարոնացու (Ասողիկ) աշխատությունից, ինչպես վկայում է հատվածի հեղինակը նույն գլխի վերնագրում և և նոր բան չի տալիս, թողնում ենք նրա քննարկումը: Ավելացնենք միայն, որ հեղինակը, հավանական է, օգտվել է Ասողիկի արդեն փոխված օրինակից, քանի որ նրա մոտ էլ հիշատակված է Պտղոմեոս Ֆիլադելֆոսի 30-րդ տարին:

26 Թ. Արծրունի, Պատմութիւն տանն Արծրունեաց, Թիֆլիս, 1913, էջ 82:

27 Վ. Բարձրաբերդցի, Պատմութիւն տիեզերաց, Մոսկվա, 1861, էջ 43:

Անանուն ժամանակագիր՝ XIII դար. «...Քաջն Արշակ յետ Կ (60) ամաց մահուանն Աղեկսանդրի ապստամբել ի Մակեդոնացոցն, թագաւորեաց յերկիրն՝ ուշանայ ի Բահլ շահաստան...»²⁸:

Անանուն ժամանակագիր՝ XVII դար. «նախ և առաջին Արշակ, վեհ թագաւորն Հայոց»²⁹, յետ Կ (60) ամաց մահուանն Աղէքսանդրի, յազդէ Պարթևաց, յորմէ կոչեցան Արշակունիք»³⁰:

Վկայակոչված հատվածներից երեւում է, որ հիշատակված հեղինակները, հատկապես նկատի ունենք Թովմա Արծրունուն և Վարդան Բարձրաբերդցուն, հետագա թյուրիմացություններից խուսափելու նպատակով, անտեսել են Սելևկյաններին, նկատի ունենալով, որ հարենացու երկու վկայություններն էլ էությունով համազոր են և առավել հանրաճանաչը երկրորդ վկայությունն է:

Արշակունիների մասին հորենացու տեղեկություններն այս ձևով հասկացել են նաև Դրասխանակերտցին, Ուստանեսը, Մխիթար Անեցին և ուրիշներ:

Հ. Դրասխանակերտցի. — «Աղեքսանդր Փիլիպպեայ տիեզերակալեալ բազմաց՝ տայր տէրութիւն կտակաւ, զի ի վերայ ամենեցունց միապետեալ իւրն անուանեսցի իշխանութիւն: Եւ սորա մեռեալ՝ Սելևկոս զկնի թագաւորէ Բաբելոնի, զՊարթևս ևս ընդ իւրեաւ հնազանդեալ պատերազմաւ սաստկիւ: Եւ սորա ևս մեռեալ՝ առնու զթագաւորութիւնն Անտիոքոս, որ և Սովտերն: Եւ այսպէս սոքա թագաւորեալ ընդ փոքր և ընդ շատ իբրև ամս վարսուն, ապա ապստամբին Պարթևք ի Մակեդոնացոց»³¹:

Մ. Անեցի. «Սելևկիոս զկնի Աղեքսանդրի ԼԱ (31) ամ: Անտիոքոս, որդի նորա՝ ԺԹ (19) ամ: Անտիոքոս Թէոս՝ ԺԵ (15) ամ: Ի սորա ԺԱ (11) ամին ապստամբեցին Պարթևք ի Մակեդոնացոցն և թագաւորեաց նախ՝ Արշակ քաջ Պարթևաց...»³²: «Եւ որպէս ունիմ ասել, թագաւորէ Արշակ Քաջ, յետ Կ (60) ամի մահուանն Աղեկսանդրի, ի վերայ Պարթևաց ի քաղաքին Բալխ Առաւատին, յերկիրն Քուշնաց, թափելով զամենայն արեւելեայսն»³³:

Դավիթ Բաղիշեցի՝ XVII դար. «Սելևկոս... ամս ԼԱ(31): Զսա պայազատէ նորին որդի Անտիոքոս Սովտէրն կոչեցեալ, ամս ԺԹ(19): Յետոյ սորա Անտիոքոս Թիոս, ամս ԺԷ(17): Եւ ի ԺԱ(11) ամին սորա, զկնի Կ(60) ամի վախճանի Աղեկսանդրի, ապստամբեցին Պարթևք և Պարսք ի ծառայութենէ Մակեդոնացոց և եղին իւրեանց թագաւոր զԱրշակ»³⁴:

Անառարկելի է, որ այս տեղեկությունները անժանոթ չեն նաև նախորդ ուսումնասիրողներին: Սակայն հանրահայտ է միաժամանակ, որ նախորդ ուսումնասիրողները այս տեղեկությունները հիմնականում մատնել են անուշագրություն, իրավամբ նկատի ունենալով, որ նրանք ընդօրինակված են հորենացուց:

²⁸ Վ. Ա. Հակոբյան, Մանր ժամանակագրություններ, հատ. Բ., Երևան, 1956, էջ 121:

²⁹ Հեղինակը այստեղ շփոթել է Արշակին Պարթևաց կամ Պարսից ասելու փոխարեն, ինչպես տեսնում ենք, «վեհ» կոչումով համարել է թագաւորն Հայոց:

³⁰ Վ. Ա. Հակոբյան, նշվ. աշխ., հատ. Ա., Երևան, 1951, էջ 254:

³¹ Հ. Դրասխանակերտցի, Պատմութիւն Հայոց, Թիֆլիս, 1912, էջ 23—24:

³² Մխ. Անեցի, Պատմութիւն, ՍՊԲ, 1879, էջ 8:

³³ Նույն տեղում, էջ 20:

³⁴ Վ. Ա. Հակոբյան, նշվ. աշխ., հատ. Բ, էջ 307—308:

Արդ, կարևոր է, որ հորենացուցի նրանից, որը հետևել է Եվսերիոսի Սելևկյան ժամանակագրությունը և Ալեքսանդր Մակեդոնացուն հիշատակելիս նկատի է ունեցել Ալեքսանդր Փոքրին, ինչպես ենթադրվել է, թե՛ նրանից, որը Արշակունիների անկախացումը հաշվել է Ալեքսանդր Մակեդոնացու մահվանից և չի հետևել սելևկյան ընդունված ժամանակագրությանը:

Մեր կարծիքով միմիայն վերջինից:

Անկասկածելի է, որ վերոհիշյալ հեղինակները նկատի կունենային այն Ալեքսանդրին, որը ենթադրվում էր հորենացու վկայություններից: Պարզ ասած, տիեզերակալ Ալեքսանդր Մակեդոնացուն: Եթե այդպես է, հետևաբար նրանք էլ, ինչպես Ասողիկի աոթով ասվեց, կարող էին կռահել, որ Արշակունիների անկախացումը Ալեքսանդր Մակեդոնացու մահվանից 60 տարի հաշվելով կամայա թե ակամա ցույց են տալիս 263 թ. (մ. թ. ա.). և չէին կարող չնկատել, որ դրանով հակասելու են Եվսերիոսի մատնանշած թվականին (250 թ. մ. թ. ա.), քանի որ վկայակոչված հեղինակներից շատերը (Թ. Արծրունի, Հ. Դրասխանակերտցի, Մխ. Անեցի, Վ. Բարձրաբերդյի և ուրիշներ) քաջ ծանոթ էին Եվսերիոսի «Ժամանակագրությանը», բազմիցս վկայակոչում են նրան և նրանից բազմաթիվ կատարում իրենց աշխատություններում:

Ահա թե ինչու ենթադրում ենք, որ նրանք ոչ թե հենց այնպես, սոսկ ընդօրինակել են հորենացուն (տեսակետ, որն առհասարակ անընդունելի է և կարելի է հերքել բազմաթիվ փաստերով), այլ դիտակցաբար հետևել են այն հորենացուն, որի մոտ Արշակունիների անկախացումը ընդունված է Տիեզերակալ Ալեքսանդր Մակեդոնացու մահվանից 60 տարի հետո և դրանով իսկ տարբերվել Եվսերիոսից:

Այս տարբերությունը առավել ակնհայտ է դառնում, երբ ուշադրություն ենք դարձնում Եվսերիոսին հետևող հեղինակների տեղեկություններին:

Միքայել Ասորին Արշակունիների անկախացման մասին հետևյալն է գրում. «Ի բուին Ասորուց ԿԻ (62), և ի հնագանդուրեանն Յունաց յետ Երանասուն և Երկուց ամաց, խորհեցան կողմանքն Պարսից և արևելից, եթէ «Պատանեցան Մակեդոնացիքն ի միմեանց և տկարացան, և են հռաւորք ի մէնջ, և խոռովութեամբ և շարշարանօք ունին դմեղ. դի՛նչ կայ մեր և նոցա, եկայք դիցուք մեզ մօտաւոր թագաւոր»: Եւ թագաւորեցուցին իւրեանց զԱրշակ Քաջ...»³⁵ Ճիշտ է, Միք. Ասորին բառացի չի ընդօրինակել Եվսերիոսին, սակայն սկզբունքորեն հետևել է նրան: Այսպես, ըստ հեղինակի Արշակունիները անկախացել են Ասորաց 62 թ.: Ասորաց թվականը, որը կոչվում է նաև Սելևկյան տոմար, կապված է Սելևկյան հարստության պաշտոնական հիմնադրման թվականի հետ (311 թ. մ. թ. ա.), որի մասին Միք. Ասորին հայտնում է. «Եւ սկիզբն թագաւորութեան սորա (Սելևկոսի,—Լ. Շ.), որ է զկնի երկոտասան ամի մահուանն Աղէքսանդրու, սկիզբն է թուականութեանն Ասորուց»³⁶: Այս տեղեկությամբ արդեն Միք. Ասորու առաջին վկայությունը անշափ որոշակի ցույց է տալիս 250 թ. (մ. թ. ա.), ինչպես Եվսերիոսի մոտ էր:

Մի փոքր անորոշ է Միք. Ասորու երկրորդ վկայությունը: Եթե 72 տարի հաշվենք Դարեհ I-ի գահընկեց լինելու տարեթվից (331 կամ 330 թ. մ. թ. ա.) կունենանք 259 կամ 258 թ. (մ. թ. ա.): Սակայն նկատի ունենալով, որ նույն

³⁵ Միք. Ասորի, Ժամանակագրություն, Երուսաղեմ, 1871, էջ 76:

³⁶ Նույն տեղում, էջ 73—74:

հեղինակը միևնույն վկայությամբ ինքն իրեն չէր հակասելու, ենթադրում ենք, որ Պարսկաստանի հունական հսկողությունը նա հաշվել է Ալեքսանդր Մակեդոնացու մահվանից հետո, երբ Սելևկոսը վերստին հպատակեցրեց նրանց: Այս ենթադրությամբ արդեն Միք. Ասորու երկրորդ տեղեկությունը նույնպես Արշակունիների անկախացման տարեթիվ է մատնանշում 250 թ. (մ. թ. ա.) (322—22=250 թ. մ. թ. ա.):

Արշակունիների սկզբնատարվա հարցում հայ հեղինակներից Եվսեբիոսին հետևող պետք է համարել Սամվել Անեցուն, ներսես Պալիենցին, մասամբ էլ Մովսես Կաղանկատվացուն:

Սամվել Անեցին մեր ուշադրությունը երկու անգամ հրավիրում է մի փաստի վրա՝ հիշատակելով Անտիոքոս Թեոսի 11-րդ տարին: «...Ջկնի մահուանն Աղեքսանդրու,— գրում է նա,— իշխանութիւն նորա ի Դ (4) բաժանի... Արդ մի ի սոցանէ Սելևկոս, որ զկնի Աղեքսանդրի կալաւ զԲաբելոն, որ ընդ այլոց ազգաց և զՊարթևս հնազանդեցոյց մեծաւ պատերազմաւ, և վասն այնորիկ կոչեցաւ Նիկանովր: Սա թագաւորեաց ամս լԱ(31)³⁷: Անտիոքոս Սովտեր որդի սորա ամս ԺԹ (19): Անտիոքոս Թեոս ամս ԺԷ (37)³⁸: Ի սորա ԱԺ (11-րդ)-ան ամի ապստամբեն Պարթևք ի Մակեդոնացոցն, որոց թագաւորեաց նախ Արշակ քաջ...»³⁹: Չմոռանանք նկատել նաև, որ Սամվել Անեցին, ի տարբերություն հայ մյուս հեղինակների, որոնց մոտ այս տեղեկությունը բացակայում է, Սելևկոս Նիկատորի թագավորության սկիզբը հաշվել է «...Յետ ԹԺ-ան ամի մահուանն Աղեքսանդրի»⁴⁰ և ընդհակառակը, չի հիշատակել Ալեքսանդր Մակեդոնացու մահվանից հետո 60 տարին, ինչպես հորենացու և մյուս հեղինակների մոտ էր:

Ալեքսանդր Մակեդոնացու մահվանից անցած 60 տարին չեն հիշատակել ներսես Պալիենցը, որի վկայությունը Ս. Անեցու վկայությունների բառացի կրկնությունն է⁴¹. ուստի անհրաժեշտ չենք համարում վկայակոչել, և Մովսես Կաղանկատվացին, որը Արշակունիների անկախացման համար որոշակի ընդունել է 252 թվականը (մ. թ. ա.)⁴²:

Ինչպես երևում է, սահմանազատող տարբերություն է նկատվում ոչ միայն Եվսեբիոսի ու հորենացու, այլև հեղինակների երկու խմբերի միջև: Այն հեղինակները, որոնք հետևել են Եվսեբիոսին և Սելևկոս Նիկատորի թագավորության լուսաբան տարին հաշվել են 311 թվականից (Միք. Ասորի, Մովսես Կաղանկատվացի, Ս. Անեցի և ուրիշներ), խուսափել են Արշակունիների անկախացումը կապել Ալեքսանդր Մակեդոնացու մահվան թվականի հետ: Իսկ այն հեղինակները, որոնք հետևել են հորենացուն և Սելևկոսի

37 Ս. Անեցու մոտ (տե՛ս 1893 թ. հրատ., էջ 34) Սելևկոս Նիկատորի համար հանդիպում ենք նաև ԼԸ (38) տարի, փոխարեն ԼԱ (31)-ի: Հավանական է, որ նրա բնագրում եղել է ԼԲ (32) ինչպես Եվսեբիոսի մոտ է, քանի որ Անեցին այս հարցում հարազատ է մնացել Եվսեբիոսին:

38 Անտիոքոս Թեոսի թագավորության 17 տարին Ս. Անեցու մոտ հետագա փոփոխության արդյունք է, նախապես եղել է 15 (ԺԵ), ինչպես մնացած համարյա բոլոր հեղինակների մոտ է, և ինչպես նրա աշխատության 34-րդ էջում:

39 Ս. Անեցի, Հաւաքմունք ի գրոց պատմադրաց, Վաղարշապատ, 1893, էջ 47, հմտ. էջ 34:

40 Նույն տեղում, էջ 33—34:

41 Վ. Ա. Հակոբյան, Մանր ժամանակագրություններ, հատ. Բ, էջ 201:

42 Մ. Կաղանկատվացի, Պատմութիւն Աղուանից աշխարհի, Մոսկվա, 1860, էջ 91:

թագավորության առաջին տարին հաշվել են Ալեքսանդր Մակեդոնացու մահվան թվականից, զիստավոր նպատակ են համարել զուգահեռ հիշատակել նաև Ալեքսանդրին (շատերն էլ միմիայն Ալեքսանդրին) և հիմնականում ուշադրություն են բևեռել նրա մահվան թվականի վրա:

Ինչպես այս, այնպես էլ շարադրությունն քննարկված փաստերը զույլս են վերջնականապես հաստատելու, որ Արշակունիների անկախացման տարեթիվի առթիվ տեղեկություններ թողած հեղինակներին ոչ միայն չի կարելի հաշտեցնել և առաջնորդել Եվսերիոսի հետքերով, այլ, ընդհակառակը, թելադրում են նրանց բաժանել երկու հիմնական խմբերի՝ Եվսերիոսի ու հորենացու հետևորդների և դիտել իբրև տարբեր տեսակետների կանգնած հեղինակների: Տեսակետներ, որոնք շատ հավանական է զոյություն են ունեցել մինչև Եվսերիոս ու հորենացի և պայմանավորված են Սելևկյան հարստության հիմնադրման տարեթիվով. այն բանով, թե ո՞ր թվականն է ընդունվել Սելևկոս Նիկատորի թագավորության առաջին տարի՝ 311-ը, ինչպես Եվսերիոսը, Ս. Անեցին, Միք. Ասորին և ուրիշներն են համարում, թե 323-ը, ինչպես հորենացու և նրան հետևող հեղինակների մոտ է: Այս է բուն պատճառը, որ Անտիոքոս Բեոսի թագավորության 11-րդ տարին Եվսերիոսի մոտ համընկնում է 250 թ. (մ. թ. ա.), իսկ հորենացու մոտ՝ 263-ը (մ. թ. ա.):

Հարցի այսօրինակ մեկնարանումն իր հերթին երկուստեք արդարացվում է պատմականորեն: Իրավացի է Եվսերիոսը, որ Սելևկյան հարստության հիմնադրման թվական է համարել 311-ը (մ. թ. ա.), քանի որ այս թվին մահացավ Ալեքսանդր Փոքրը, հետևաբար այս թվականից Սելևկոսը իրավունք կունենար պաշտոնապես թագավոր հռչակվելու: Իրավացի է նաև հորենացին, որովհետև Սելևկոսը Ալեքսանդր Մակեդոնացու այն զորավարներից էր, որը նրա մահվանից անմիջապես հետո իշխանություն ստացավ Արևելքում: Այստեղ հատկապես ուշադրավն այն է, որ երկուսն էլ հաստատում է Եվ. Կեսարացին: Վերևում ասվեց, որ նա Սելևկոս Նիկատորի թագավորության սկզբնատարի է համարել 311 թ. (մ. թ. ա.)՝ (12 տարի անց Ալեքսանդր Մակեդոնացու մահվանից), այն էլ մի քանի անգամ կրկնելով և ցանկանալով ավելի հիմնավորել այդ թվականը: Մակայն այս չի խանդարել նրան, որ Սելևկոսի թագավորության առթիվ հաղորդի նաև հետևյալը: հոսելով Մակեդոնացու աշխարհաժալակ տերության բաժանման մասին և անդրադառնալով Սելևկյաններին, նա գրում է. «Բայց Լիդիաստանի հանդէպ Թրակացոց կողմանց Լիսիմաքոս թագաւորեաց. իսկ վերնոց կողմանցն և Ասորոց Սելևկոս և ունէին Երկոճեան Ղորդի շորեխաւանսւոցի ողովնաղին յառաջնում ամին»⁴³:

Այս վկայության կարևորությունը ոչ միայն Սելևկոսին Մակեդոնական հզորության բաժնետեր ճանաչելն է, այլև այն, որ Եվսերիոսը նրան թագավոր է համարել և այդ թագավորությունը հաշվել է Ալեքսանդր Մակեդոնացու մահվան թվականից՝ 323 թ. (մ. թ. ա.): Ուրեմն բացառված չէր, որ հորենացին էլ կարող էր միևնույն փաստը վերարտադրել այնպես, ինչպես տվյալ դեպքում հասկացել է Եվսերիոս Կեսարացին:

Բացառված չէր նաև այն, որ Սելևկոսը իր իշխանության տարիները (այն է՝ Ալեքսանդրի մահվանից մինչև 311 թ. (մ. թ. ա.)) դումարեր իր թագավորության տարեթանակին: Հավանական է, որ այսպես էլ արձանագրված է եղել

⁴³ Եվսեր, Կեսարացի, Ժամանակագրություն, մասն Ա., էջ 344:

պատմական այն սկզբնաղբյուրում, որից (ուղղակի թե անուղղակի) նյութեր են քաղել Եվսեբիոսը և հոբենացին:

Այս ենթադրությունը հիմնական է երևում հետևյալ պատճառներով.

ա) եթե հետևելու լինենք Եվսեբիոսին և Սելևկոսի 32-ամյա թագավորությունը հաշվենք 311 թ. (մ. թ. ա.), ինչպես վկայում են բազմաթիվ սկզբնաղբյուրներ և ինչպես ընդունված է, ապա ստացվում է, որ Ալեքսանդր Մակեդոնացու մահվանից մինչև 311 թ. ընկած 12 տարին, որը հաստատեց ինքը Եվսեբիոսը, Սելևկոսը գիտակցաբար դեն է նետել միայն այն պատճառով, որ այս ժամանակաշրջանում պաշտոնապես թագավոր կոչվելու իրավունք չունեն: Անտարակուսելի է, որ այսպիսի պարտաճանաչություն աշխարհի ոչ մի տիրակալ չէր ցուցաբերի, իսկ Սելևկոսը հատկապես, որն, ըստ Մար-Աբասի արաբական քաղվածքների հեղինակի, «երբ թագաւոր եղավ, այրել տվաւ աշխարհի բոլոր լեզուներով եղած գրքերը»⁴⁴: Անկասկածելի է՝ ախոյաններից վրեժ լուծելու և իր փառքը հետագա դարերին թողնելու նպատակով: Ընչը կխանգարեր նրան, որ, մինչև պաշտոնապես թագավոր հռչակվելը, իրականում թագավորած տարիներն էլ գումարեր իր թագավորության տարեթանակին: Այլ բան է արդեն, եթե 32-ամյա թագավորությունից բացի տեղեկություն լիներ նաև նրա 44-ամյա թագավորության մասին, սակայն այսպիսի տեղեկություն մեզ հայտնի ոչ մի սկզբնաղբյուր չի արձանագրում, կամ էլ՝ 32-ամյա թագավորությունից 20 տարին հաշված լիներ 311 թ. (մ. թ. ա.):

բ) Եվսեբիոսի վկայություններով Սելևկոսը մահացել է 280, 279 կամ 278⁴⁵ թ. (մ. թ. ա.) 75 տարեկան հասակում, հետևաբար Ալեքսանդր Մակեդոնացու արշավանքի սկզբին (336 թ. մ. թ. ա.) նա ընդամենը 16, 17 կամ 18-ամյա պատանի է եղել: Այս բանը անհավանական է հետևյալ պատճառով՝ դժվար թե 16—18 տարեկան մի անփորձ պատանու վստահվեր զորավարելու անշափ պատասխանատու գործը: Հակառակ սրա, եթե Սելևկոսի թագավորությունը հաշվենք 323 կամ 322 թ. (մ. թ. ա.), տալով 32 կամ 31 տարվա թագավորության ժամանակաշրջան, ապա նրա կյանքի և թագավորության վերջին տարին կլինի 291-ը (մ. թ. ա.), ծննդյան թիվը՝ 365 թ. (մ. թ. ա.), հետևաբար Մակեդոնացու արշավանքի սկզբին նա 29—30 տարեկան էր, որն առավել հավանական է:

գ) Եվսեբիոսի մոտ Ալեքսանդր Մակեդոնացու մյուս զորավարների թագավորությունը հաշված է նրա մահվանից անմիջապես հետո: Այսպես, Պտղոմեոս Հագոս՝ 323, 322 կամ 321-ից (մ. թ. ա.)⁴⁶, Փիլիպոս Արեդոս՝ 323 կամ 322-ից (մ. թ. ա.)⁴⁷, Լյուսիմաքոս՝ 323-ից (մ. թ. ա.) և ինչո՞ւ միայն Սելևկոսին 311-ից (մ. թ. ա.):

դ) Վերևում տեսանք, որ հոբենացուն հետևող հեղինակները ոչ թե սոսկ ընդօրինակել էին, այլ գիտակցաբար ընդունել էին նրա տեսակետը: Ուստի, անկասկածելի է դառնում, որ նրանք Եվսեբիոսից ու հոբենացուց զատ այլ աղբյուրներ կունենային՝ մեկին ժխտելու և մյուսին ընդունելու համար:

ե) Մակեդոնացու մահվան թվականը իբրև Սելևկոսի թագավորության սկզբնատարի ընդունել են ոչ միայն հոբենացին, իրեն հետևող հեղինակները և

⁴⁴ Տե՛ս «Արարատ», էջմիածին, 1903, հուլիս:

⁴⁵ Եվսեբ. Կեսարացի, Ժամանակագրություն, մասն Ա, էջ 344, մասն Բ, էջ 230:

⁴⁶ Նույն տեղում, մասն Ա, էջ 237, մասն Բ, էջ 224, 228 և այլն:

⁴⁷ Նույն տեղում մասն Ա, էջ 325—326, 236—237, մասն Բ, էջ 224 և այլն:

Եվսերիոսը իր վերոհիշյալ տեղեկությամբ, այլև Սերևոսի⁴⁸ աշխատությամբ մեղ հասած առաջին ու երկրորդ գլուխների հեղինակը⁴⁹։ Արշակունիների անկախացման վերաբերյալ հիշյալ հեղինակի տեղեկությունները, որոնց կանգնադառնանք քիչ հետո, առանձնակի նշանակություն ունեն, քանի որ հորենացուն ղուգահեռ մենք ունենք մեկ ուրիշ հեղինակ, որը նրանից անկախ միևնույն սկզբնաղբյուրը վերարտադրել է համարյա այնպես, ինչպես հորենացին⁵⁰։

Սակայն քննարկվող հարցի համար կարևորն այն չի, թե Սելևկոսի թագավորության սկզբնատարվա համար ո՞ր թվականն է ընդունելին՝ 311-ը (մ. թ. ա.), թե 323-ը, մենք էլ այս առթիվ առաջ քաշված ենթադրությունները վերջնական չենք համարում, կարևորն այն է, որ հորենացին նկատի է ունեցել վերջինը և այս մեկնակետով կառուցել Արշակունիների ժամանակադրությունը։ Եթե անդամ համոզված լինեինք, որ հորենացին այս հարցում սխալվել է, դարձյալ իրավունք չէինք ունենա նրա ժամանակադրությունը բացատրել մեկ ուրիշ հեղինակի, ներկա դեպքում Եվսերիոսի վկայություններով։

Այսուհանդերձ, հորենացին էլ Սելևկոսի թագավորության սկզբնատարվա հարցում ցուցարարել է յուրահատուկ մոտեցում։ Ուսումնասիրությունից երևում է, որ հորենացին Սելևկոսի թագավորության սկիզբ է համարել ոչ թե 323, այլ 322 թվականը (մ. թ. ա.)։ Այս ենթադրության համար հիմք է ծառայում Անանունի հետևյալ վկայությունը։ «Եւ Եղև մահուանն Ալեքսանդրու կայսեր Մակեդոնացոց ծառայեցին Պարթև Մակեդոնացոց ամս ԿԱ (61)։ Քանզի քաղաութեաց Ալեկիոս Նիսնովր՝ ի Բարելոն ամս ԼԸ(38)⁵¹։ Անտիոֆոս Սոտեր ամս ԺԹ (19)։ Անտիոֆոս Թէոս՝ ամս Ժ (10)։

Եւ յամի մետասաներորդի Անտիոֆայ արեայի ապստամբեալ ի բաց կացին Պարթև ի ծառայութենէ Մակեդոնացոց»⁵²։

48 Սերևոս անունը օգտագործելու ենք պայմանականորեն, նկատի ունենալով Գ. Արզարյանի «Սերևոսի պատմությունը» և Անանունի առեղծվածը՝ աշխատությունը։

49 Շնորհիվ Գ. Արզարյանի, պետք է վերջնականապես լուծված համարել Անանունի առեղծվածը։ Ամբողջովին համամիտ ենք Արզարյանին, որ Սերևոսի աշխատության առաջին ու երկրորդ գլուխները ոչ մի կապ չունեն Սերևոսին վերադրված բուն պատմության հետ և նրան սոսկ պատահականորեն են միացվել (տե՛ս «Սերևոսի պատմությունը» և Անանունի առեղծվածը, Երև., 1965, գլ. 2-րդ, Ա)։

50 Անանունի և հորենացու աղբյուրի հարցը, որը տարակարծիքների տեղիք է տվել անցյալում, մոտենում է իր վերջնական լուծմանը։ Ընդունելին Գալուստ Տեր-Մկրտչյանի և գերմանացի գիտնական Ֆեթթերի աջակցություն է, որի համաձայն հորենացին ու Անանունը իրարից անկախ օգտագործել են միևնույն սկզբնաղբյուրը։ Այս տեսակետը վերջերս դարգացվել է Գադիկ Սարգսյանի կողմից (տե՛ս «Հորենացու «Հայոց պատմություն» ժամանակագրական համակարգը», Երևան, 1965, էջ 14—15) և հիմնավորվում է Արզարյանի ենթադրություններով, որով Սերևոսի «Պատմության» առաջին ու երկրորդ գլուխների հեղինակը դրել է հորենացուց առաջ, ինչպես նաև մի շարք այլ փաստերով, որոնց անդրադառնալը այս հոդվածի հնարավորություններից դուրս է։

51 Սելևկոս նիկատորի թագավորության տարեթանակն այստեղ ենթարկվել է փոփոխության։ Նախապես եղել է ոչ թե ԼԸ (38), այլ ԼԲ (32)։ Իբրև ապացույց նկատի ունենք նույն վկայության առաջին մասը։ Եթե 61 տարի է Ալեքսանդր Մակեդոնացու մահվանից մինչև Պարթևների անկախացումը, իսկ նրա վկայության 2-րդ մասն էլ, ինչպես տեսնում ենք, բացառահայտում է 1-ինի, հետևաբար 61 տարի էլ պետք է լինի 2-րդ դեպքում՝ Սելևկոս նիկատոր 32+ Անտիոֆոս Սոտեր 19+ Անտիոֆոս Թևոսի 10-ը—61։ Այս հարցի մասին տե՛ս Գ. Արզարյան, նշվ. աշխ., էջ 145—146։

52 Ս Ե Լ Ե Ո Ս, Պատմություն, Երևան, 1939, էջ 7—8։

Անանունի այս վկայությունը հիմնականում համանման է հորենացուն։ Բայց առյուծ ընդհանուր համանմանությունները, առաջին տարբերությունը, որը նկատվում է նրանց միջև, այն է, որ հորենացու մոտ Ալեքսանդր Մակեդոնացու մահվանից մինչև Արշակունիների անկախացումը հաշված է 60 տարվա ժամանակաշրջան, իսկ Անանունի մոտ՝ 61 տարվա։ Երկրորդ տարբերությունը՝ հորենացու մոտ Սելևկոս Նիկատորին տրված է 31-ամյա թագավորություն, Անանունի մոտ՝ 32։ Ինչպես երևում է, տարբերությունն այստեղ մեծ չէ, այն դրսևավորվել է ընդամենը մեկ տարվա շուրջ, որին կարելի էր անգամ ուշադրություն չդարձնել։ Սակայն այսքան աննկատ տարբերությունն էլ իրականում անշափարժեքավոր է, քանի որ այն բանալի է հետևյալ հարցերի լուսաբանման.

ա) Ո՞րն է Անանունի և հորենացու այս մեկամյա հակասության պատճառը:

բ) Սելևկոսի թագավորության ո՞ր տարեթանակն է եղել սկզբնադրությունում՝ 32-րդ, թե 31-րդ:

գ) Երբվանի՞ց սկսել նրա 31-ամյա թագավորությունը:

Իբրև պատասխան այս հարցերի, դիմենք հետևյալ նախնական ենթադրության:

Հանրահայտ է, որ Ալեքսանդր Մակեդոնացին մահացավ 323 թ. (մ. թ. ա.) վերջերին։ Շատ հավանական է, որ հորենացին չի հաշվել այն վերջին ամիսները, որոնք իբրև մեկ լրիվ տարի գումարված են եղել Սելևկոսի թագավորության տարեթանակին։ Կրճատելով Սելևկոսի մեկ տարին (ամիսներ), անհրաժեշտություն է առաջացել նույնքանով էլ կրճատել Ալեքսանդրի մահվանից մինչև Արշակունիներն ընկած ժամանակաշրջանի տևողությունը:

Այս է բուն պատճառը, բայց Անանունի մոտ Սելևկոսին տրված է 32 տարվա թագավորության ժամանակաշրջան, իսկ հորենացու մոտ՝ 31։ Միաժամանակ, Անանունի մոտ Ալեքսանդրից Արշակունիներն ընկած ժամանակաշրջանի տևողությունը 61 տարի է, հորենացու մոտ՝ 60։ Այս ենթադրությամբ արդեն, ինչպես տեսնում ենք, երկու հեղինակներն էլ Արշակունիների անկախացման տարեթիվ են մատնանշում 262-ը (մ. թ. ա.), միայն այն տարբերությամբ, որ Անանունը Սելևկոսին 32 տարի տալով սկսել է 323-ից (մ. թ. ա.), իսկ հորենացին 31 տարի տալով՝ 322 թ. (մ. թ. ա.):

Այսպիսով՝ Անանունի և հորենացու վկայությունների մեկամյա տարբերությունը հորենացու քննական մոտեցման հետևանք է:

Անանունի և հորենացու օգտագործած սկզբնադրությունում (երկուսի վկայությամբ էլ Մարաբասյան մատյանն է) Սելևկոսի համար զրանցված է եղել 32-ամյա թագավորության ժամանակաշրջան՝ հաշված 323 թ. (մ. թ. ա.), որի մեկ տարին (ամիսներ) հորենացին իրավացի կերպով չի հաշվել:

Հորենացու վկայած Սելևկոսի 31-ամյա թագավորությունը պետք է հաշվել 322 թ. (մ. թ. ա.), հետևաբար Արշակունիների անկախացման նրա ընդունած տարեթիվ համարել 262-ը (մ. թ. ա.):

Համոզված ընդունում ենք այս թվականը, որովհետև այն բխում է հորենացու վկայություններից, հորենացուց անկախ ընդունել է միևնույն աղբյուրն օգտագործող Անանունը, և ոչ միայն ընդունել, այլև սկզբունքորեն հորենացու տեսակետը պաշտպանել են հետագա հեղինակներից շատերը:

Սակայն այսքանով չեն սպառվում փաստերը՝ հօգուտ 262 թ. (մ. թ. ա.): Հիմնական ու բազմակողմանի ապացույցը հորենացու «Հայոց պատմության»

հրկրորդ ու հրրորդ զրքերի ժամանակագրական համակարգն է: Ուստի, մեր խոսքն ավարտած կհամարենք, հրր կքննարկենք այդ համակարգին առնչվող բոլոր հիմնական հարցերը և վերականգնած կլինենք խորհնացու «Հայոց պատմության» ժամանակագրական համակարգն իր ամբողջությամբ:

ГОД УСТАНОВЛЕНИЯ ДИНАСТИИ ПЕРСИДСКИХ АРШАКИДОВ ПО ДАННЫМ МОВСЕСА ХОРЕНАЦИ

Л. П. ШАГИНЯН

(Р е з ю м е)

Год установления династии персидских Аршакидов является единственной исходной хронологической датой «Истории Армении» Мовсеса Хоренаци. Точное выяснение этой даты в определенной степени поможет восстановлению хронологической системы книги Хоренаци.

На основании свидетельств самого Хоренаци и ряда последующих авторов в статье показывается, что этой исходной датой является 262 г. н. э. и что в данном вопросе Хоренаци и Евсевий Кесаринский придерживались диаметрально противоположных позиций.